

BBEDHI TUTTI 'I DDUI

Cu lu trenu di Riggio mindi jìa
'nu jornu viaggiandu pe' Bagnara ,
sedutu 'ntra li cisti e li panàra
cui mi guardava no mmi canuscìa.

Parìamu sardi 'ntra li tarzalòra :
li capidhi spinnàti , senza scolla ,
lu sudùri 'mpicciàva comu colla
e la cammisa si nd'escìa di fora.

Guerra o summòssi comu l'atri voti ?
No , pèju. Cu la rrobba di Missina
Tornàvanu , partiti la matina ,
fimmani nominati Bagnaròti.

Tagghiàti a la fatiga e a lu strapazzu,
portando mutantùni fatti a mmàglia,
'ntra la guerra ggiràru tutta Itàglia
Facendu a l'occorrenza lu 'ntrallazzu.

Lu trenu era lu loru. Rassegnàti
S'appartàvanu l'atri passeggeri ,
non nc'eranu ne ggarbu ne mmanèri ,
dhà nci volianu sulu vastunàti.

Spingendo cu li pedi e ccu li vrazza ,
lu cuntrollòri largu si facià
e qquandu capitàu davanti ammia ,
pàrzi lu bbanditùri 'ntra la chiàzza.

-- Cuntrollu, pregu ! -- dissi a vvuci china.
Jeu pigghiài comu potti lu bigliettu,
lu guardàu , lu trovàu senza difettu
e nci fici 'na bbella perciatìna.

Nc'era vicinu a mmia 'na Bagnaròta ,
'nu pezzu di figghiòla pajisàna,
cu lu jippùni strittu e la suttàna
chi nci stacià a li hjànchi comu rota.

- Capu , mo vi lu dugnu lu bbigliettu ! –
Misi la manu ‘ntra la scollatura
E , miscitàndu a ddestra cu ppemùra,
si toccàu ..chida parti di lu pettu.
- O, chista sì ch’è bbella ! – ‘ncignàu allora;
guardàu , misi a sinistra l’atra manu ,
si toccàu .. l’atra parti , chianu chianu :
-- O, chista sì ch’è bella ! – dissi ancora.

Lu bigliettu dan’intra avìa ammucciàtu
Nommu lu perdi ‘ntra lu parapìgghia,
se mmò no lu trovava è maravigghia ,
stando ‘ntra cchidu bbeni cunzervàtu ?

Lu Capu la guardava cu ddiletu :
-- Datu ca sugnu bbedhi tutti ‘i ddui,
mostratindilli – dissi – puru a nnui
e mmu vaci a lu ‘mpernu lu bigliettu ! –

Francesco Laruffa

www.associazionelaruffa.org